

Ո Ր Ո Շ ՈՒ Մ N 0179

(մաքսային վճարների գանձման վերաբերյալ)

10 հուլիսի 2014թ.

ք. Երևան

ՀՀ Ֆինանսների նախարարության Արարատյան տարածաշրջանային մաքսատան պետի տեղակալ Վ. Թամրազյանս, ուսումնասիրելով «Հոկտեմբերյանի Ֆերոսպլավ գործարան» ՍՊ ընկերության կողմից 2011թ-ի հոկտեմբերի 14-ին թիվ C 33282 ԲՄՀ-ով «Ներմուծում՝ ազատ շրջանառության համար» մաքսային ռեժիմով ձևակերպված բեռի մաքսային ձևակերպման փաստաթղթերը,

Պ Ա Ր Զ Ե Ց Ի

«Հոկտեմբերյանի Ֆերոսպլավ գործարան» ՍՊ ընկերությունը 2011թ-ի հոկտեմբերի 14-ին թիվ C 33282 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրել է նատրիումի կարբոնատ, որի ավելացված արժեքի հարկի վճարումը, ըստ վերը նշված մաքսային հայտարարագրի, հետաձգվել է մինչև 14.10.2012թ., սակայն ընկերությունը սահմանված ժամկետում չի վճարել այդ ռեժիմով նախատեսված ավելացված արժեքի հարկը: Հայտարարագիրը 17.10.2011թ-ին ընդունվել է մաքսային մարմնի կողմից, ինչի կապակցությամբ հայտարարագրի վրա նշվել է հայտարարագրի ընդունման համարը և ամիս, ամսաթիվը (թիվ L 28703): ՀՀ մաքսային օրենսգրքի 25-րդ հոդվածի համաձայն՝ «Ներմուծում՝ ազատ շրջանառության համար» մաքսային ռեժիմը կարգավորում է ապրանքների և տրանսպորտային միջոցների ներմուծումը Հայաստանի Հանրապետության մաքսային տարածք՝ առանց հետագա արտահանման պարտավորության: Մաքսային այս ռեժիմի շրջանակներում օրենքով սահմանված չափով և դեպքերում գանձվում են մաքսային վճարներ: 14.10.2011թ-ի թիվ C 33282 ԲՄՀ-ով «Ներմուծում՝ ազատ շրջանառության համար» մաքսային ռեժիմով հայտարարագրված նատրիումի կարբոնատի համար մինչև 14.10.2012թ. ենթակա է վճարման ավելացված արժեքի հարկ և տույժեր՝ սահմանված ժամկետում ԱԱՀ-ի գումարները չվճարվելու համար:

«Ավելացված արժեքի հարկի մասին» ՀՀ օրենքի 6'-րդ հոդվածի 3-րդ մասի համաձայն՝ նույն հոդվածով սահմանված կարգով ԱԱՀ-ի վճարման ժամկետի հետաձգմամբ ՀՀ ներմուծված ապրանքների մասով մաքսային մարմինների կողմից հաշվարկված ԱԱՀ-ի գումարները վճարվում են պետական բյուջե մինչև հետաձգման ժամկետը լրանալու օրը, եթե ԱԱՀ-ի գումարների վճարման ժամկետի հետաձգումը նույն հոդվածի երկրորդ մասով սահմանված դեպքերում չի դադարեցվել և (կամ) ԱԱՀ-ի վճարման հետաձգման ժամկետը դադարելու օրվան հաջորդող տասնօրյա ժամկետում՝ նույն հոդվածի երկրորդ մասով սահմանված դեպքերում: Սահմանված ժամկետում ԱԱՀ-ի գումարները չվճարվելու դեպքում օրենքով սահմանված տույժերի հաշվարկումը, իսկ հարկ

վճարողի կողմից տույժերը հաշվարկված լինելու դեպքում՝ դրա նկատմամբ հսկողությունն իրականացնում է հարկային մարմինը: Մաքսային մարմինների կողմից հաշվարկված ԱԱՀ-ի գումարները վճարվում են որպես մաքսային մարմինների կողմից պետական բյուջե հավաքագրվող գումարներ, իսկ սահմանված ժամկետում չվճարված գումարների նկատմամբ հաշվարկված տույժերը վճարվում են որպես հարկային մարմինների կողմից պետական բյուջե հավաքագրվող գումարներ:

Հաշվարկ՝

Հիմք ընդունելով ՀՀ ՖՆ Արարատյան տարածաշրջանային մաքսատան գանձումների համակարգման և հաշվառման բաժնի մաքսային տեսուչ Գ. Խոցանյանի կողմից կազմված տեղեկանքով ներկայացված հաշվարկը՝ «Հոկտեմբերյանի Ֆերոսպլավ գործարան» ՍՊ ընկերության կողմից թիվ C 33282 մաքսային հայտարարագրով հայտարարագրված ապրանքի համար 08.07.2014թ-ի դրությամբ ՀՀ պետական բյուջե ենթակա է վճարման **449 272 ՀՀ դրամ** ԱԱՀ:

Ելնելով վերոգրյալից և ղեկավարվելով ՀՀ մաքսային օրենսգրքի 25-րդ, «Ավելացված արժեքի հարկի մասին» ՀՀ օրենքի 6-րդ, 6¹-րդ և «Վարչարարության հիմունքների և վարչական վարույթի մասին» ՀՀ օրենքի 53-րդ և 58-րդ հոդվածներով՝

Ո Ր Ո Շ Ե Ց Ի

1. «Հոկտեմբերյանի Ֆերոսպլավ գործարան» ՍՊ ընկերությունից հոգուտ պետբյուջեի գանձել **449 272 ՀՀ դրամ** ԱԱՀ-ի գումար:
2. Որոշման մասին օրենքով սահմանված կարգով տեղյակ պահել «Հոկտեմբերյանի Ֆերոսպլավ գործարան» ՍՊ ընկերությանը:

Որոշումն ուժի մեջ է մտնում այն ստանալու պահից և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադասության կարգով կամ ՀՀ վարչական դատավարության օրենսգրքով սահմանված կարգով վարչական դատարան:

Որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Մաքսատան պետի տեղակալ



Վ. Թամրազյան